

Þegar um er að ræða tækifæris- eða gjafasendingar frá útlöndum á áfengi og tóbaki má hver sending ekki nema meira magni en þreföldu því sem tilgreint er í 1. tl. 1. mgr. 2. gr., þó ekki öl. Greiða skal einkasölugjald af slíkum sendingum eftir gjaldskránni í 1. mgr. þessarar greinar.

2. gr.

Reglugerð þessi, sem sett er samkvæmt heimild í 4. og 5. tl. 1. mgr., sbr. 2. mgr. 2. gr. og 42. tl. 3. gr. tollskrárlaga nr. 120 31. desember 1976 svo og ákvæðum laga nr. 59 28. maí 1969 um tollheimtu og tolleftrilít með áorðnum breytingum, skal öðlast gildi þegar í stað.

Fjármálaráðuneytið, 27. júní 1985.

Albert Guðmundsson.

Guðrún Ásta Sigurðardóttir.

REGLUGERÐ

um innheimtu fóðurgjalda skv. lögum nr. 46 27. júní 1985 um framleiðslu, verðlagningu og sölu á búvörum.

1. gr.

Innheimta skal við tollafgreiðslu eftirtalin fóðurgjöld af innfluttu fóðri og hráefnum í það, sbr. 2. gr:

1. Grunn gjald, sem skal vera 50% af tollverði hverrar fóðurtegundar í viðkomandi sendingu, þó aldrei hærra en kr. 4 000,00 af hverju tonni hinnar innfluttu vöru.
2. Sérstakt fóðurgjald, sem skal vera 80% af tollverði hverrar fóðurtegundar í viðkomandi sendingu.

2. gr.

Fóðurgjöld sbr. 1. gr. skulu lögð á fullunnar fóðurblöndur og hráefni í fóðurblöndur, sem falla undir eftirtalin tollskrárnúmer:

10-01-10	10-07-10	17-03-01	23-04-10	23-04-60
10-01-20	10-07-20	23-02-10	23-04-20	23-04-70
10-02-00	10-07-30	23-02-20	23-04-30	23-04-80
10-03-00	11-01-21	23-02-30	23-04-40	23-04-90
10-04-00	11-01-22	23-03-00	23-04-50	23-06-00
10-05-00	úr 11-02-29	blandað hænsnakorn		23-07-00
	11-02-21			
	úr 11-02-39	valsað bygg í lausu		

Undanskilin gjaldtöku eru fódursölt, snefilefni, herðir, bætiefni og steinefnablöndur. Einnig er undanskilið gjaldtöku fóður, sem fer til fiskeldis og loðdýraræktar, enda sé það í sérmerktum umbúðum. Sama gildir um korn og vörur úr því til manneldis, sem flokkast undir ofangreint tollskrárnúmer, enda sé varan í smásöluumbúðum, 5 kg eða minna og umbúðirnar beri með sér að varan sé ætluð til manneldis. Gjöld sem tekin hafa verið af korni og vörum úr því, sem nota má jafnhliða til manneldis og skepnufóðurs, en fer til

manneldis, endurgreiðist að fenginni staðfestingu landbúnaðarráðuneytisins. Sama gildir um gjöld sem tekin hafa verið af fóðri sem nota má jafnhliða til fiskeldis og/eða loðdýraræktar og annars skepnufóðurs en fer til fiskeldis og/eða loðdýraræktar.

Landbúnaðarráðuneytinu er heimilt að undanþiggja fóður fyrir gæludýr greiðslu sérstaks fóðurgjalds skv. 2. tl. 1. gr. Hafi greiðsla gjaldsins farið fram við tollafgreiðslu er heimilt að endurgreiða gjaldið.

Landbúnaðarráðuneytið sker úr ágreiningi um gjaldskyldu skv. þessari grein.

3. gr.

Um ákvörðun tollverðs gjaldskyldrar fóðurvöru skv. reglugerð þessari skulu gilda ákvæði laga nr. 120/1976 um tollskrá o. fl. með síðari breytingum.

Að því leyti sem ekki er ákveðið í reglugerð þessari varðandi vörflokkun, gjalddaga, innheimtu, lögvernd, viðurlög, refsingu og aðra framkvæmd innheimtu fóðurgjalda, skulu gilda eftir því, sem við getur átt ákvæði laga nr. 120/1976 um tollskrá o. fl., laga nr. 59/1969 um tollheimtu og tolleftirlit og laga nr. 47/1960 um tollvöruheymislur o. fl. með síðari breytingum svo og reglugerða og auglýsinga settra samkvæmt þeim.

4. gr.

Tollstjórar annast innheimtu fóðurgjalda skv. reglugerð þessari og standa skil á þeim til ríkissjóðs eftir fyrirmælum þeim, sem fjármálaráðuneytið setur um skil innflutningsgjalda sbr. 15. gr. reglugerðar nr. 530/1975.

Tekjum af grunngjaldi skv. 1. tl. 1. gr. og sérstöku fóðurgjaldi skv. 2. tl. 1. gr. skal haldið sérgreindum við innheimtu og skil gjaldanna.

5. gr.

Heimilt er tollstjórum að veita innflytjendum fóðurs allt að 4 mánaða gjaldfrest á greiðslu sérstaks fóðurgjalds, óski þeir þess, gegn tryggingu, sem tollstjórar meta fullgilda.

6. gr.

Tekjur af grunngjaldi skv. 1. tl. 1. gr. renna í ríkissjóð.

Tekjum af sérstöku gjaldi skv. 2. tl. 1. gr. skal haldið á sérgreindum reikningi í vörslu ríkissjóðs. Landbúnaðarráðherra ákveður hverju sinni ráðstöfun þess fjár sem þannig er geymt í samræmi við 2. mgr. 34. gr. laga nr. 46 27. júní 1985 og ákvæði reglugerða, sem settar kunna að verða þar um.

7. gr.

Brot á ákvæðum reglugerðar þessarar varða refsingu skv. 59. gr. laga nr. 46 27. júní 1985.

8. gr.

Reglugerð þessi er sett skv. heimild í lögum nr. 46 27. júní 1985 um framleiðslu, verðlagningu og sölu á búvörum og öðlast gildi 1. júlí 1985. Jafnframt fellur úr gildi reglugerð nr. 216 31. maí 1985 og 12.—19. gr. reglugerðar nr. 465 25. maí 1983. Þó skulu ákvæði 12.—19. gr. reglugerðar nr. 465 25. maí 1983 halda gildi sínu við framkvæmd á ákvæði til bráðabirgða B í lögum nr. 46 27. júní 1985 um framleiðslu, verðlagningu og sölu á búvörum.

Ákvæði til bráðabirgða.

Af fóðurbirgðum, sem eru í vörslu innflutningsaðila við gildistöku reglugerðar þessarar, er falla undir 2. gr. reglugerðarinnar, skal innheimta gjöld skv. 1. gr. reglugerðarinnar. Innflutningsaðilar skulu veita nauðsynlega aðstoð við talningu á birgðum, en tollstjórar skulu staðreyna birgðauppgjör og annast innheimtu og skil gjaldanna skv. 4. gr. Jafnframt skal endurgreiða kjarnfóðurgjald, sem lagt hefur verið á þessar birgðir skv. reglugerð nr. 216/1985 eða fyrri reglugerðum um sama efni. Framleiðsluráð landbúnaðarins skal annast útreikning á því kjarnfóðurgjaldi, sem endurgreiða ber af þessum birgðum og annast endurgreiðsluna.

Landbúnaðarráðuneytið, 1. júlí 1985.

Jón Helgason.

Ragnheiður Árnadóttir.